

# 《教觀綱宗》補充講表

## ◎附表十二：

### ○一、觀正因緣境

※《教觀綱宗科釋》云：「一、觀正因緣境：觀是能觀智，正因緣是所觀境。即是識正無明因，緣生一切法也。然而無明為因，境界是緣。因緣和合，出生三界色心依正因果，是名無明因緣生一切法也。」

又云：「大論云：色若粗若細，總而觀之，無常無我，無我故無主。若粗若細，若因若緣，若苦若集，若依若正，皆無常無主，悉是無明顛倒所作，是名識正因緣所觀之境。」

○通教，鈍根通前藏教，利根通後別圓，故名通教。

※《教觀綱宗科釋》云：「通者，同也。三乘同稟，故名通。此教明因緣即空，無生四真諦理，是摩訶衍之初門也。正為菩薩，傍通二乘。故大品經云，欲學聲聞乘者，當

學般若。欲學緣覺乘者，當學般若。欲學菩薩乘者，當學般若。三乘同稟此教，見第一義，故云通也。又通者，通前，通後，故名通。鈍根者，但見於空，不見不空，名為鈍根。雖所稟是大乘初門。而所斷煩惱，所證真理，皆與三藏而無有異。故曰通前藏教，亦即近通也。利者，非但見空，兼見不空，名為利根。利人所見不空有二：一、但中：清淨真如，一真法界。十界依正，藉此理之所建立。而十界非是真如，是為不具法不空之真如。而於空中見此不空，遂被別接。二、不但中：是具法真如。於空中見此不空，遂被圓接。故通後別圓，亦名遠通。」

○又從當教得名，謂三人同以無言說道，體法入空，故名為通。以下糅合《教觀綱宗科釋》

◆無言說道者，非離語言文字外，另有無言說。即指語言文字，皆從緣生；緣生無性，當體是空。是則終日言說，未曾譚著一字，故曰無言。茲即三人，同觀無生四諦，同體假入空，觀十二因緣，同觀六波羅蜜，見第一義。故曰：同以無言說道。而分三乘之別者，

但總相別相等智，斷結，侵習，自行化他，根性不同耳。**體法入空者**，通人根利，了法從緣生。緣生故如幻。既觀諸法如幻，幻本不生，今無所滅。當體即空，故云：**體法入空**。由是所以名曰：**通教**。是則教、理、智、斷、行、位、因、果八法皆通也。

○詮無生四諦。

※《教觀綱宗科釋》云：「無生四諦者，四諦與三藏無異。但以根利，了之如幻。如幻故，當體無生。四諦雖異，而無生理同，故曰無生四諦。」

※《教觀綱宗釋義》云：「三界色心依正因果，名為苦諦。如幻如夢，當體全空，所以無逼迫相，所謂生死即涅槃也。見思煩惱，有漏行業，名為集諦。不自他生，不共無因。所以無和合相，所謂煩惱即菩提也。既體達煩惱即菩提，故道不二相。非別有法為能治也。既體達生死即涅槃，故滅無生相。非別有法可證得也。然此但是即空，故與圓教即中不同。」

○幻有空二諦（以下糅合※《教觀綱宗釋義》）

◆三界因果色心依正，並是非有似有，猶如幻事；指此幻有，以為俗諦。有既是幻，則當體全空，非滅故空。指此即空，以為真諦。此則真俗不二，不同藏教真居事外。

※《天台宗綱要》云：「在藏教的實有二諦，是以實有為俗諦，而這裏却以幻有為俗諦；藏教以了無所有為真諦，而這裏却以幻有即空為真諦。這幻有、空二諦，便成真俗不二，事理互融，和藏教的真俗二諦相反而不相融的，完全不同。」

○兩種含中二諦（以下糅合※《教觀綱宗釋義》）

◆「通含別者」，幻有為俗，如前說。幻有即空為真。而此空理，即是真如。其體不空，故能為迷悟依。是則真諦之中，含有別教中道理體，故名通含別二諦也。「通含圓者」，幻有為俗，亦如前說。幻有即空，為真。而此空理，即如來藏，亦名為空，亦名不空。名空之時，空即具一切法；一切法，皆趣此空。言不空時，不空亦即具一切法，一切法，皆趣不空。是則真諦之中，含有圓教，圓空圓中道理，故名通含圓二諦也。